

⁴
Et in pluribus reformari visum
esset auctori, in lucem tandem
ab Auctore proditum est. Habes
in eo Religiose Lector, quomodo
ab ipsa excitatione Matutina ad
ipsam usque nocturnam corporis
quietem diurnas actiones omnes
ex ordine prosequaris piis qui-
busdam alloquiis, quorum non
sensa modo, sed verba etiam
omnino omnia ex Sacris Biblio-
rum libris decerpta sunt, atque
collecta. Placuit singulis quibus-
que affectibus titulum prescribere,
ut invenire facilius possis,
quo te juvari magis sentias,
atque percelli. Vale.

PARS

PARS PRIMA.

A mane ad meridiem.

*Quotidie mane
Populus vota offerebat.
Exod. 36.*

IN EXCITATIONE
MATUTINA.

*Cor suum tradet ad vigilandum
diluculo. Eccli. 39.*

DEus, Deus meus ad te de
luce vigilo. Confurgam
diluculo, & itabo coram Do-
mino, qui fecit me, ut videam
gloriam ejus, & vivam in con-
spectu ejus. Adorabo, & o-
mnipotentem deprecabor, &
confitebor illi, quoniam in x-
ternum misericordia ejus. In
matutinis meditabor, quia est
adjutor meus.

Ad te levavi oculos meos,
qui habitas in cælis. Ad te
Domine Domine oculi mei.
Ad te levabo animam meam.

A 4 Ora-

Orabo, & mane exaudies vocem meam.

Deus in adiutorium meum intende: Domine ad adjuvandum me festina. Exurge, Domine, & dissipentur inimici mei. Exurge Domine Deus virtutum, Deus Israel. Exurge in adiutorium mihi, Domine ne moreris.

Qui decorem, & fortitudinem induisti, amictus lumine, sicut vestimento, indue me fortitudine, & virtute tua præcinge me. Fac ut induam novum hominem, qui secundum Deum creatus est, ut induar decore, & honore ejus, quæ a te Deo est, sempiternæ gloriæ.

LAU.

LAUDES DIVINÆ.

IN SURRECTIONE
MATUTINA.

*Ut surgent mane ad confitendum,
& canendum Domino.*

1. Paral. 23.

Domine labia mea aperies, & os meum annuntiabit laudem tuam. Confitebor tibi Domine Deus meus in toto corde meo. Confitebor tibi. Invocabo te, & laudabo in ortu surgentis auroræ, dum te laudant simul astra matutina, & jubillant omnes filii Dei.

Exultabo, & exultabo in te. Pfallam nomini tuo altissime, & annuntiabo mane misericordiam tuam. Quia delectasti me in factura tua, & in operibus manuum tuarum exultabo. Videbo caelos

A 5 tuos,

tuos, opera digitorum tuorum ;
lunam, & stellas, quæ tu fundasti.

Cantabo tibi ; gloriose enim
magnificatus es. Omnipotens
nomen tuum. Ante diluculum
præparatus egressus tuus. Psal-
lam tibi gloria mea. Psallam
tibi, qui gloriosus de sepul-
cro surrexisti diluculo. Psal-
lam tibi, qui ascendisti super
cælum cæli ad orientem. Jubi-
labo tibi in voce exultationis.
Qui regnas super gentes, & se-
des super sedem sanctam tuam.
Exaltare super cælos Deus, & su-
per omnem terram gloria tua.

Per singulos dies benedicam
tibi, & laudabo nomen tuum in
sæculum, & in sæculum sæculi.
Laudabo nomen tuum assidue,
& collaudabo illud in confes-
sione. Benedicam te in vita mea,
& labiis exultationis laudabit

os meum. Laudabo te Deus
meus, & in diebus meis invoca-
bo, donec dies sancta eluce-
scat ; donec videam diem tuum Do-
mine ; diem, in quem jam nunc
gaudeo, & exulto.

Cantabiles mihi erunt justifi-
cationes tuæ in loco peregrina-
tionis meæ. Vivet anima mea,
& laudabit te ; anima mea,
quam redemisti ; sed & lingua
mea meditabitur justitiam tuam ;
annuntiabit de die in diem salu-
tare tuum.

Memor ero multitudinis mi-
sericordiæ tuæ. Confitebor tibi
in sæculum. Cantabo fortitu-
dinem tuam ; in generationem,
& generationem laudem tuam.
Adjutor meus tibi psallam, quia
Deus susceptor meus es ; Deus
meus misericordia mea. Domine
Deus meus in æternum confite-
bor tibi.

Qui fecisti, ut oriretur in celo
lumen indeficiens, & super fi-
lios hominum spargis lucem,
illumina vultum tuum Domine
super me, & in viis meis splen-
deat lumen tuum. Oriatur sol
justitiæ timentibus nomen tuum,
& illuminetur omnis terra glo-
ria tua.

POST SURRECTIONEM
MATUTINAM.

*Primitias tuas non tardabis red-
dere. Exod. 22.*

Laudat, & gratias agit.

Domine Deus meus Creator
caeli, & terræ, qui lucem
inhabitas inaccessibilem. Tuus
est dies, & tua est nox. Tu fa-
bricatus es auroram, & solem,
quem oriri facis super bonos,
&

& malos. Benedico te, quia
vocasti me de tenebris ad lu-
cem.

Ego dormivi, & soporatus
sum, & exsurrexi, quia tu su-
scepisti me. Factus es protector
meus, & in requie mea reple-
tus sum bonis. Repletus sum
mane misericordia tua. Exulta-
vi, & delectatus sum. Replea-
tur os meum laude, ut cantem
gloriam tuam; tota die magni-
tudinem tuam.

Offert holocaustum orationis.

AD te Deus meus de luce vi-
gilo, ut adorem, & laudem
te; & prævenerunt oculi mei ad
te diluculo, ut meditarer elo-
quia tua, & ad ortum lucis te
adorarem. Introibo in conspe-
ctu tuo in exultatione, & adsta-
bo

bo tibi. Aperiam os meum in oratione, & in conspectu Altissimi deprecabor. Offeram holocaustum matutinum, & dirigetur oratio mea sicut incensum in conspectu tuo.

Petit sanctificari primitias diei.

TU, Domine Rex meus, & Deus meus, Dominus universorum tu es. Deus meus es tu. In manibus tuis sortes meæ. In simplicitate cordis mei lætus tibi offero univèrsa. Omne quodcumque faciam in verbo, aut in opere, omnia in nomine Domini nostri Jesu Christi.

Sanctifica diem istam, ut delecter in matutina oblatione primitiarum mearum, ut in lætitia serviam tibi, & reddam tibi

tibi vota mea de die in diem. Sanctifica me in veritate, ut sint accepta opera mea per dilectum Filium tuum, qui clarificavit te super terram, & in quo tibi complacuisti. Per quem est tibi honor, & gloria in omnes generationes.

*Divinam protectionem implorat;
& SS. Angelorum custodiam.*

ESto mihi in Deum protectorem, & in locum refugii. Fortitudo mea, & laus mea sis mihi in salutem. Ne elongaveris auxilium tuum a me: ad defensionem meam conspice. Erue me a persequentibus me; libera me.

Quoniam tu es, qui extraxisti me de ventre; spes mea ab uberibus matris meæ. In te con-

confirmatus sum ex utero. De ventre matris meæ Deus meus es tu. Ne discesseris a me. Intende in adiutorium meum Domine Deus salutis meæ, & usque in senectam, & senium ne derelinquas me.

Qui mandasti Angelis tuis de me, ut custodiant me in omnibus viis meis, mitte Angelum sanctum tuum, qui præcedat me, & custodiat in via, & introducat in locum, quem parasti mihi.

*Postulat divinam Sapientiam;
& cognitionem Jesu Christi.*

Qui fecisti omnia verbo tuo, & sapientia tua constituisti hominem Creator omnipotens; Deus potens, & metuendus nimis, da mihi sedium tuarum
affi-

assitricem sapientiam, ut sciam, quid sit placitum in oculis tuis, & quid directum in præceptis tuis.

Mitte illam de cælis sanctis tuis, & de sede magnitudinis tuæ, ut mecum sit, & mecum laboret, quoniam servus tuus sum ego. Deducat me in operibus meis, & custodiat me in tua potentia, ut nomen sanctum tuum collaudem, & glorier in mirabilibus tuis, & sciam, quia omnium potentior est sapientia, & sermo tuus eos, qui in te crediderint, conservat, & in omni loco, & tempore assistis illis.

Sit splendor tuus Domine super me, & lumen intelligentiæ oriatur in me, ut cognoscam te solum verum Deum, & quem misisti Jesum Christum, & cre-
scam

scam in gratia, & cognitione
ejus, & semita mea sit quasi lux
splendens, & crescens usque in
perfectum diem.

Invocat Spiritum Sanctum.

QUÍ nosti solus cor filiorum
hominum, mitte Spiritum
Sanctum tuum de altissimis, &
da timorem tuum in corde meo,
ut non recedam a te; sed am-
blem in via tua, & servem se-
mitas justitiæ, & viam Sancto-
rum custodiam, perficiens san-
ctificationem in timore tuo, &
gratias agens tibi, omnibus die-
bus vitæ meæ, quia tu es Deus
noster, & laudabimus te in sæ-
cula sæculorum. Amen.

ANTE

ANTE MENTALEM
ORATIONEM.

*Ante orationem prepara animam
tuam. Eccli. 28.*

QUIS mihi tribuat, ut deside-
rium meum audiat Omni-
potens? Quis mihi det, ut co-
gnoscam, & inveniam illum,
& veniam usque ad solium ejus,
& intelligam, quid loquatur
mihi?

Surgam, & ascendam ad
montem Domini. Ascendam,
& adorabo, & deprecabor fa-
ciem ejus. Scrutabor testimonia
ejus; & meditabor eloquia ejus.
Procidam ad pedes ejus. Ex-
pandam manus meas, & effun-
dam cor meum in conspectu
illius

Ap-

Appropinquo, & stabo coram illo, & præstolabor cum silentio salutare ejus, donec emittatur ab Altissimo visitatio, & accipiam de doctrina illius, & illuminer a facie verborum Sanctorum ejus.

Accede anima mea: accede ad tabernaculum sanctum Domini: accede, ut adores Dominum Deum tuum, ut loquaris cum Deo tuo, & audias quid loquatur in te Deus tuus, & obedias voci ejus.

Declinate a me maligni, & scrutabor mandata Dei mei.

Appropinquet deprecatio mea in conspectu tuo Domine.

IN INGRESSU
AD ORATIONEM.

Vacate, & videte, quoniam ego sum Deus. Psalm. 45.

Vidi Dominum sedentem super solium suum, & omnem exercitum cali assistentem ei a dextris, & a sinistris. Magnus, & terribilis super omnes, qui in circuitu ejus sunt.

Excelsus, & sublimis, habitans æternitatem; & sanctum nomen ejus in excelso: in sancto habitans: thronus ejus flammæ ignis: splendor in circuitu ejus, & implens omnia majestas ejus.

Humiliare anima mea, & adora. Ecce Deus tuus, in cujus conspectu cadunt Angeli in facies

cies suas. Ipse est Deus vivens, Dominus majestatis. Procide in faciem tuam, & adora Dominum Deum tuum.

Intret oratio mea in conspectu tuo Domine.

IN PRINCIPIO ORATIONIS.

In conspectu Altissimi deprecabor. Eccli. 28.

Parvet ante conspectum Domini.

Domine Deus, fortis, magne, atque terribilis; ad cujus nutum pavent cæli, & contremiscunt; a cujus facie filii omnis terra, corruo pavens in faciem meam ante conspectum tuum; ante oculos majestatis tuæ.

Quis ego sum, ut appaream
co-

coram Domino, & ad Omnipotentem loquar? Ego pulvis, & cinis: putredo, & vermis: homo vilis: homo peccator. Qui non sum dignus intueri, & aspicerere altitudinem cæli præ multitudine iniquitatum mearum. Quis ego sum, ut appropinquem ei, quia immundus sum?

Humiliatur in conspectu Domini,

ET nunc fortissime Deus spirituum universæ carnis hominis, in conspectu Angelorum adoro te. Flecto genua mea, & tremens sto ante pedes tuos, & prostratus humilio animam meam in conspectu tuo.

Offers

*Offert orationem suam
Domino.*

LEvo ad te manus meas, & invoco te Deum omnipotentem, & offero tibi Deus altissime in hac hora, in qua adito coram te, orationem meam. Suscipe eam de manu Sancti Angeli tui, ut sit oblatio digna; incensum suavissimi odoris; Sacrificium sanctum; & fiat tibi acceptabilis per dilectum Filium tuum Jesum Christum.

Qui sanctificaris in iis, qui appropinquant tibi, fac ut sanctificem in hac hora te Deum Sanctum; & perveniat oratio mea ad habitaculum Sanctum cæli.

Petit

*Petit visitari a Deo
in oratione.*

Ostende mihi Deus meus majestatem, & magnitudinem tuam, ut exultem tibi in timore, ac tremore sancto; ostende lucem miserationum tuarum; converte vultum tuum ad me, & non avertas faciem tuam a me in indignatione tua.

Memento mei Deus meus; visita me in salutari tuo: effunde aquas super sitientem, & fluenta super aridam animam meam; effunde Spiritum Sanctum tuum, & emitte fontem sapientie verbum tuum Domine.

B

Illu.

Illuminari, & accendi.

Qui illuminas mirabiliter a montibus aternis; lux vera, quæ illuminat omnem hominem, faciem tuam illumina super me; fulgura coruscationes, & emitte radios ab illuminatione vultus tui: egredietur ignis a facie tua, & cor meum inflammet eloquium tuum, & in meditatione sancta exardescat, ut surgam ab oratione confortatus in te, & in potentia virtutis tuæ ex consortio sermonis tui.

Meditatio cordis mei in conspectu tuo Domine,

IN

IN FINE ORATIONIS.

Descenditque Moyses de monte.
Exod. 19.

Domine ad quem ibimus? Verba vitæ aternæ habes. Quam dulcia faucibus meis eloquia tua! ignitum vehementer eloquium tuum. Et nunc Domine confortatus in te surgam ab oratione; recordare quod steterim in conspectu tuo; benedic egredientem de tabernaculo tuo; & visitatio tua custodiat spiritum meum. Amen.

B 2 POST

 POST ORATIONEM.

*In corde meo abscondam
eloquia tua.*

Psal. 118.

ADoravi, & Omnipotentem
deprecatus sum; quæsi
Dominum in oratione mea;
colluctata est cum eo anima
mea; os meum aperui, & at-
traxi spiritum. Eloquium Do-
mini inflammavit me; conca-
luit cor meum intra me, &
confirmatus sum.

Manus meas extendi in al-
tum; animam meam direxi ad
Dominum, & in agnitione in-
veni illum. Benedictus Domi-
nus, qui tribuit mihi intelle-
ctum; benedictus Deus, qui
non

non amovit orationem meam;
& misericordiam suam a me.

Propter hoc non derelinquar;
lætabitur anima mea in miseri-
cordia illius, & non confunde-
tur in laude ipsius; in testimo-
niis ejus delectabor; lætabor
super eloquia ejus, quia exulta-
tio cordis mei sunt.

Confortabor in te Deus meus,
& in lumine tuo ambulabo:
lucerna pedibus meis verbum
tuum, & lumen semitis meis:
mirabilia testimonia tua: de-
claratio sermonum tuorum il-
luminat.

Et nunc Domine Deus Omni-
potens in misericordia tua vivi-
fica me, & custodiam testimo-
nia oris tui; in corde meo ab-
scondam eloquia tua. Confir-
ma me in verbis tuis, & gres-
sus meos dirige secundum elo-

B 3 quium

quium tuum, ut inhæream tibi, & ambulem coram te in veritate, & corde perfecto.

Custodi me, & da mihi constantiam, & contemnam inimicos meos; & virtutem, & evertam illos. Adjuva me, & salvus ero, & meditabor in justificationibus tuis semper; & meditabor in mandatis tuis, quæ dilexi nimis. In lege tua fit voluntas mea, & in lege tua die, ac nocte meditatio mea.

LAU.

LAUDES DIVINÆ

EX

OPERIBUS CREATIONIS.

*Ut recordarentur operum ejus
& glorificarent, & laudarent
Dominum Deum Israel.*

1. Paral. 6.

Benedic anima mea Domino: Domine Deus meus magnificatus es vehementer. Deus meus es tu, & confitebor tibi: Deus meus es tu, & exaltabo te; confitebor tibi, quia terribiliter magnificatus es; mirabilia opera tua; & anima mea cognoscit nimis.

Memor ero tui; memor ero mirabilium tuorum; meditabor in omnibus operibus tuis; in

B 4

fa.

factis manuum tuarum medita-
bor, & in adinventionibus tuis
exercebor; enarrabo mirabilia
tua, & magnalia sapientix tuæ.

Tu creasti omnia; conservas
omnia, & vivificas; & omnis
exercitus cæli te adorat, & om-
nis creatura servit tibi; quia
dixisti, & facta sunt; misisti
spiritum tuum, & creata sunt;
& non est, qui resistat voci
tuæ.

Tui sunt cæli, & tua est ter-
ra: Orbem terræ, & plenu-
dinem ejus tu fundasti; aquilo-
nem, & mare tu creasti. Tuus
est dies, & tua est nox: tu fa-
bricatus es auroram, & solem;
tu fecisti terminos terræ; æsta-
tem, & ver tu plasmasisti ea.

Quam magnificata sunt opera
tua Domine; omnia in sapien-
tia fecisti: generatio, & gene-

ra-

ratio laudabit opera tua, & po-
tentiam tuam pronuntiabunt;
magnificentiam gloriæ sanctita-
tis tuæ loquentur, & mirabilia
tua narrabunt: gloriam Regni
tui dicent, & potentiam tuam
loquentur; ut notam faciant
filiis hominum potentiam tuam,
& gloriam magnificentix regni
tui.

Magna opera tua, & mirabi-
lia Deus Omnipotens! Magna,
& mirabilia operatus es. Po-
tentia tua usque in altissima,
quæ fecisti magnalia. In uni-
versis non est, qui sit similis ti-
bi; non est, qui possit facere
opera tua.

B 5

Ca.

Calorum pulchritudo.

Confiteantur Domino misericordix ejus, & mirabilia ejus filiis hominum. Ipse Dominus Deus noster, qui fecit altitudinem firmamenti, & pulchritudinem ejus; in sapientia sua stabilivit cælos; extendit illos velut nihilum, & quasi tabernaculum expandit eos. Verbo ejus firmati sunt; & spiritus Domini ornavit illos. Verba enarrant gloriam ejus. Ipsi annuntiant opera ejus; annuntiant in populis mirabilia ejus.

Di.

Diviso diei, ac noctis.

Dies diei eruat verbum, & nox nocti indicat scientiam. Ipse Dominus Deus noster, qui præcipit diluculo, & ostendit auroræ locum suum; producit Luciferum in tempore suo, & Vesperam super filios terræ confurgere facit.

Pulchritudo Solis.

Sol illuminans per omnia respicit; vas admirabile; opus excelsi; in meridiano exurit terram, fornacem custodiens in operibus ardoris, & refulget radiis suis. Magnus Dominus, qui fecit illum; & in sermonibus ejus festinavit iter.

B 6

Lu.

Luna, & Stella.

Ostenſio temporis Luna, & ſignum Ævi; luminare quod minuitur, & creſcit mirabiliter in conſummatione; vas caſtrorum in excelsis; in firmamento cæli reſplendens glorioſe. Specie cæli, gloria ſtellarum, mundum illuminans in excelsis Dominus. Dederunt lumen in cuſtodiis ſuis, & lætæ ſunt. Vocatæ ſunt, & luxerunt ei cum jucunditate, qui fecit illas. In verbis ſancti ſtabunt; non deficient in vigiliis ſuis.

*Ar.**Arcus, & Nubes.*

Vide arcum, & benedic eum, qui fecit illum. Valde ſpecioſus eſt in ſplendore ſuo; gyravit cælum in circuitu gloriæ ſuæ. Manus excelsi aperuerunt illum. In magnitudine ſua poſuit nubes: magnificentia ejus, & virtus ejus in nubibus.

Formatio Terra.

Conſiteantur Domino miſericordiæ ejus, & mirabilia ejus filiis hominum. Domini eſt terra, & plenitudo ejus; Orbis terrarum, & univerſi, qui habitant in eo: in manu Domini omnes fines terræ. Præparavit

vit eam in æterno tempore, & replevit eam. Firmavit eam super aquas, & solidavit bases ejus, & posuit mensuras ejus. Fundavit eam super stabilitatem suam: non inclinabitur in sæculum sæculi. Firmavit orbem terræ, qui non commovebitur.

*Montes, & Valles;
Fontes, & Flumina.*

Ascendunt montes, & descendunt campi. Emittit fontes in convallibus; profunda fluviorum scrutatus est, & abscondita in lucem produxit. Elevaverunt flumina vocem suam; a vocibus aquarum fluctus suos.

Am.

Amplitudo Maris.

Confiteantur Domino misericordix ejus, & mirabilia ejus filiis hominum, quoniam ipse est mare, & ipse fecit illud. In fortitudine sua congregatæ sunt aquæ: illic reptilia, quorum non est numerus.

Mirabiles elationes maris; mirabilis in altis Dominus. Concluserit illud, & circumdedit terminis suis; confringit tumentes fluctus ejus; placat abyssos, & in sermone suo componit omnia, qui est ante sæculum, & usque in sæculum.

Pro.

Providentia.

Confiteantur Domino misericordix ejus, & mirabilia ejus filiis hominum. In terram respexit, & implevit illam bonis suis; effudit super nos misericordiam suam: misericordia Domini super omnem carnem; super omnes surgit lumen ejus.

Qui operit cælum nubibus, & parat terræ pluviâ; irrigat aquis universa, ut det lignum agri fructum suum, & terra germen suum. Qui producit in montibus fœnum, & herbam servituti hominum: qui dat jumentis escam ipsorum, & pullis corvorum invocantibus eum: qui dat escam omni carni, aperit manum suam, & implet omne animal benedictione.

*Crea-**Creatio Hominis.*

Confiteantur Domino misericordix ejus, & mirabilia ejus filiis hominum. Creavit de terra hominem; ad imaginem suam fecit illum, & vestivit eum virtute. Dedit ei potestatem eorum, quæ sunt super terram: posuit timorem ejus super omnem carnem, & dominatus est bestiarum, & volatili-um.

Creavit ex ipso adjutorium simile sibi, & disciplina intellectus replevit illos; sensu implevit cor illorum; bona, & mala ostendit eis; posuit oculum suum super corda illorum, ostendere illis magnalia operum suorum; ut nomen sanctificationis collaudent, & glorientur in mira-

mirabilibus ejus; ut magnalia enarrent operum ejus.

Domine Dominus noster, quid est homo, quia innotuisti ei; aut filius hominis, quia reputas eum? Quid est homo, quia magnificas eum, aut quid apponis erga eum cor tuum?

Minuisti eum paullo minus ab Angelis; gloria, & honore coronasti eum, & constituisti eum super opera manuum tuarum: omnia subjecisti sub pedibus ejus; oves, & boves, & universa pecora campi: volucres celi, & pisces maris, qui perambulant semitas maris.

Domine Deus Pater noster es tu; nos vero lutum: & fictor noster tu; & opera manuum tuarum omnes nos. Omnia ossa mea dicent: Domine quis similis tibi? Manus tuæ fecerunt me,

me, & plasmaverunt me; tu suscepisti me de utero matris meæ. Memor ero Creatoris mei; vivens vivens confitebor tibi, & laudabo nomen tuum, & gloriabor in miserationibus tuis Domine Deus meus.

Laus Creatoris.

Confiteantur Domino misericordix ejus, & mirabilia ejus filiis hominum. Gloria Domini plena sunt opera ejus: lætabitur Dominus in operibus suis. Quis videbit, & enarrabit? Multa sunt abscondita majora his; pauca enim vidimus operum ejus; omnia autem fecit Dominus.

Quis Deus magnus sicut Deus noster? Deus noster præ omnibus

bus Diis. Quis in nubibus æquabitur Domino? Similis erit Deo in filiis Dei? quis loquetur potentias Domini? Auditas faciet omnes laudes ejus? Quis magnificabit eum, sicuti est ab initio?

Operuit cælos gloria ejus, & laudis ejus plena est terra: a solis ortu, & occasu laudabile nomen ejus; ab aquilone, & mari: in univèrsa terra, terribile, & admirabile, & magnum in fortitudine nomen ejus; super cælos elevata magnificentia ejus: viderunt omnes populi gloriam ejus.

Laudate cæli; exulta terra; jubilate montes laudem; jubilate extrema terræ: tonet mare, & plenitudo ejus: exultent campi, & omnia, quæ in eis sunt: glorificate habitatores

or.

orbis, in insulis maris nomen Domini Dei Israel; glorificate bestia agris; volucres cæli date vocem; narrate pisces maris; omnis spiritus laudet Dominum.

Benedictus es Domine Deus Patrum nostrorum, & laudabilis, & gloriosus, & superexaltatus in sæcula; & benedictum nomen gloriæ tuæ, quod est sanctum, & superlaudabile, & superexaltatum in omnibus sæculis.

Benedictus es in Templo sancto gloriæ tuæ; benedictus es in throno Regni tui; benedictus es, qui intueris abyssos, & sedes super Cherubim; benedictus es in firmamento cæli, & laudabilis, & gloriosus in sæcula.

Benedicite Dominum omnes

An.

Angeli ejus; benedicite omnes virtutes ejus; benedicite omnia opera ejus; in omni loco dominationis ejus benedic anima mea Domino.

Sit gloria Domini in sæculum; sit nomen ejus benedictum in sæcula; benedictus Deus meus, & exaltetur Deus salutaris meus; laudabo eum in cantico, & magnificabo eum in laude.

Benedicam in omni tempore: semper laus ejus in ore meo. In ipso laudabitur anima mea; laudationem Domini loquetur os meum; & benedicat omnis caro nomen sanctum ejus in sæculum, & in sæculum sæculi.

Benedictus Dominus Deus Israel, qui facit mirabilia magna solus; & benedictum nomen majestatis ejus in æternum, &

re-

replebitur majestate ejus omnis terra. Fiat. Fiat.

ACTUS FIDEI.

In fide virgo filii Dei.

Galat. 2.

Benedico te, Domine, quia vocasti me de tenebris in admirabile lumen tuum ad agnitionem veritatis, ad cognoscendum te solum verum Deum, & quem misisti Jesum Christum. Revelasti nobis per Spiritum Sanctum tuum, quod aliis generationibus non est agnitus, sicut Sanctis Apostolis tuis, & Prophetis.

Tu sapiens, & verax es; ideo adhæsi testimoniis tuis, quæ credibilia facta sunt nimis. Da mi-

hi

hi spiritum sapientiæ, & revelationis in agnitione filii tui Jesu Christi: confirma me in verbis tuis, ut sim stabilis in fide, tenens confessionem Jesu Christi.

Da mihi fidem, quæ per charitatem operatur, ut ambulans nunc in specie videam te facie ad faciem in cælis, & exultans in revelatione gloriæ tuæ laudem te in sæcula sæculorum. Amen.

ACTUS SPEI.

*Gloriamur in spe gloriæ
filiorum Dei. Rom. 2.*

Benedictus Deus, & Pater
Domini nostri Jesu Christi,
qui secundum misericordiam

diam suam magnam regeneravit nos in spem vivam, per resurrectionem Jesu Christi ex mortuis, in hæreditatem incorruptibilem, paratam revelari in tempore novissimo.

Salvatorem expectamus Dominum nostrum Jesum Christum, qui reformabit corpus humilitatis nostræ configuratum corpori claritatis suæ. Fidelis Deus in omnibus verbis suis, in quibus super speravi, & in ipso sperans non infirmabor.

Peccavi; sed advocatum habeo apud Patrem Jesum Christum justum, qui est propitiatio pro peccatis nostris, & totius mundi; qui dilexit, & lavit nos in sanguine suo; semper vivens ad interpellandum pro nobis.

Inclinavi igitur cor meum ad

C fa.

faciendas justificationes tuas in æternum, propter retributionem; propter coronam iustitiæ, quam reddes mihi iustus Iudex; & in spe erit fortitudo mea.

Cultodiam viam tuam, & per patientiam expectabo, quoniam tu es spes sustinentibus te, & apparebis expectantibus te in salutem. Ne pereat spes mea a te Domine Deus meus.

ACTUS CHARITATIS.

*Charitas Dei diffusa est
in cordibus vestris.*

Rom. 5.

Diligam te, Domine, fortitudo mea: diligam te ex toto corde meo; ex tota anima mea; ex tota mente mea; ex omnibus viri-

viribus meis; quia tu solus bonus es, & amabilis super omnia. Diligam te, qui prior dilexisti me, cum adhuc essem inimicus; & filium tuum pro me tradidisti.

Quid aliud mihi est in cælo, & a te quid volui super terram, Deus cordis mei? Quis poterit me separare a charitate Christi? Neque mors, neque vita, neque creatura ulla poterit me separare a charitate Dei, quæ est in Christo Jesu?

Diffundatur charitas in corde meo per Spiritum Sanctum tuum, ut radicatus in charitate, & fundatus, unum sim tecum, qui unum es cum Filio tuo, & cum eodem Spiritu Sancto, & regnas in sæcula sæculorum. Amen.

IN ORATIONEM
DOMINICAM.

Domine doce nos orare.
LUCÆ II.

Pater noster, qui es in calis.

Domine Deus noster, qui in
excelsis habitas, qui de
cælo prospicis super filios homi-
num, cui est cura de omnibus,
qualem charitatem dedisti no-
bis, ut filii Dei nominemur, &
simus? Vere tu Pater noster es,
& tu Deus noster.

San,

Santificetur nomen tuum.

Quam admirabile est nomen
tuum Domine! Omnipoten-
s nomen tuum: nomen tu-
um Adonai. Dominus nomen
est tibi. Fac ut adorem te Deum
verum in spiritu, & veritate;
ut confitear nomini tuo magno,
quod terribile, & sanctum est.

Ut manifestem illud homini-
bus; ut cognoscant te omnes
gentes, & timeant te, & ado-
rent, & colant te, & sciant, qui
ab ortu solis, & qui ab occi-
dente, quia non est Deus præ-
ter te.

Notum fac, Domine, nomen
tuum. Assume zelum pro no-
mine sancto tuo, ut glorificeris
in oculis multarum gentium.

C 3 Via-

Violaverunt Sanctum tuum :
blasphemaverunt Sanctum Is-
rael : non est qui recordetur
nominis tui ; non est, qui in-
vocat nomen tuum .

Qui creasti nos in laudem, &
gloriam tuam, sanctifica nos, ut
sanctificemus te in operibus no-
stris, & in medio nostri glorifi-
ceris, & simus populus Sanctus
Dei nostri ; & in excelsis Altissi-
mi aperiemus os nostrum, &
gloriabimur in conspectu virtu-
tis tuæ Rex sæculorum .

Adveniat Regnum tuum .

GRatias tibi ago, Domine De-
us Omnipotens, qui eras,
& qui es, & qui venturus es ;
quia accepisti virtutem tuam
magnam, & regnasti. Tu Do-
mi-

minus solus omnium regnorum
terræ ; Dominator excelsus su-
per omnia regna hominum ; Po-
testas tua in æternum, & re-
gnum tuum non dissipabitur .

Non est in terris potestas,
quæ comparetur tibi . Subverti-
sti solium regnorum, & contri-
visti fortitudinem regni gen-
tium ; & cognoscent omnia re-
gna terræ, quia tu es Dominus
solus, & regnabis in sæcula sæ-
culorum .

Tu eripuisti nos de potestate
tenebrarum, & transfulisti in
regnum filii dilectionis tuæ .
Ipsè est Primogenitus mortuo-
rum, qui dilexit, & lavit nos
a peccatis nostris in sanguine
suo . Tu vocasti nos in regnum
suum, & gloriam . Ipsè rex no-
ster, & salvabit nos .

Adveniat, Domine, regnum

C 4 tu-

tuum, & non regnet peccatum in mortali corpore; sed gratia tua regnet per iustitiam in vitam æternam, ut digni habeamur, & simus hæredes regni, quod repromisisti diligentibus te; & ministretur nobis introitus in æternum regnum Dei, & Salvatoris nostri Jesu Christi, cum quo regnant omnes Sancti, & regnabunt in sæcula sæculorum. Amen.

Fiat voluntas tua.

Domine Deus rex omnipotens, in ditione tua cuncta sunt posita, & non est, qui possit tux resistere voluntati. Iustus es, & rectum iudicium tuum; & omnia quæcumque facis, in vero iudicio facis. Iustus

stus es, & omnes viæ tuæ misericordia, & veritas. Sit nomen tuum benedictum in sæcula.

Non ne Deo subiecta erit anima mea? Quis ego sum, ut ponam tempus miserationis Domini? Humiliabor sub potenti manu ejus; humiliabo illi animam meam. Secundum voluntatem suam faciat, & quod bonum est in oculis suis. Bona, & mala suscipiam de manu ejus: fiducia mea coram illo.

Non quod ego volo, Domine, sed quod tu. In manibus tuis sortes meæ. Doce me facere voluntatem tuam, quemadmodum faciunt Angeli tui in cælo. Fac in me quod est placitum coram te per dilectum Filium tuum, qui descendit de cælo, ut faceret voluntatem tuam, factus obediens usque ad

C 5. mor.

mortem; & quæ placita tibi,
fecit semper.

Panem nostrum quotidianum.

OCuli omnium in te sperant,
Domine, & tu das escam
illorum in tempore opportuno:
aperis tu manum tuam, & im-
ples omne animal benedictione.
Sicierunt Patres nostri, & invo-
caverunt te, & data est illis aqua
de petra durissima. Pluisti illis
manna ad manducandum, & pa-
ne cæli saturasti eos.

Qui das omnibus inspiratio-
nem, & vitam: qui das escam
omni carni, benefaciens, dans
pluvias, & tempora fructifera,
implens cibo, & lætitia corda
nostra; qui pascis me a juven-
tute mea, tribue victui meo ne-
cessaria.

Qui

Qui indigentibus das sapien-
tiam, & petentibus das spiritum
bonum, ciba me pane vitæ, &
intellectus; & pota me aqua sa-
pientia salutaris, ut quæ sursum
sunt sapiam; non quæ super ter-
ram. Spiritus tuus super mel
dulcis; & dulcia faucibus meis
eloquia tua. Da sitienti aquam
vivam, ut non sitiam in æternum.

Qui parasti mihi mensam in
conspectu meo adversus omnes
qui tribulant me, da mihi pa-
nem de cælo verum. Da mihi
carnem tuam, quæ vere est ci-
bus; & sanguinem tuum, qui
vere est potus, ut ambulans in
fortitudine cibi istius usque ad
montem sanctum tuum edam,
& bibam super mensam tuam in
Regno tuo.

C 6

Et

dimitte nobis debita nostra.

Misereris omnium, Domine, quia potens es, & dissimulas peccata hominum propter pœnitentiam; diligis enim omnia, quæ sunt, & nihil odisti eorum, quæ fecisti. Nihil enim odians aliquid constituisti, aut fecisti; parcis autem omnibus, quia tua sunt, Domine, qui amas animas.

Peccavimus cum Patribus nostris; injuste egimus; iniquitatem fecimus. Patres nostri non intellexerunt mirabilia tua; non fuerunt memores multitudinis misericordiæ tuæ: & nos peccavimus in conspectu tuo; peccavimus ante oculos tuos.

Si iniquitates observaveris Domine

mi-

mine, Domine, quis sustinebit? Memor esto nostri, & ne vindictam sumas de peccatis nostris; quoniam non obediimus præceptis tuis, & mandata tua non custodivimus. Ostende misericordiam tuam super nos: abscinde indignationem tuam: memor esto Testamenti tui, & da gloriam nomini tuo.

Non intres in iudicium cum servo tuo, quia non iustificabitur in conspectu tuo omnis vivens. Reminiscere miserationum tuarum, & misericordiarum tuarum, quæ a sæculo sunt; & delicta juventutis meæ, & ignorantias meas ne memineris; sed propter nomen tuum propitiari peccato meo; multum est enim.

Multæ sunt iniquitates meæ, & multa peccata mea; iniquitates

tes

tes meæ supergressæ sunt caput meum, & sicut onus grave gravatæ sunt super me. Ne recorderis iniquitatum mearum, & ne visites peccata mea; sed in misericordiis tuis multis dimitte mihi.

Et quoniam commendasti charitatem tuam in nobis, cum adhuc inimici essemus, reconciliati per mortem Filii tui; & nos dimittimus fratribus nostris, scientes quod si dimiserimus, dimittes nobis, Pater cælestis, peccata nostra.

*Et ne nos inducas
in tentationem.*

Domine, quid multiplicati sunt, qui tribulant me? Multi insurgunt adversum me; mul-

multi dicunt animæ meæ; non est salus ipsi in Deo ejus; Deus dereliquit eum; non est, qui eripiat. Volunt me perdere inimici mei; circumdederunt animam meam; irruerunt in me fortes; gloriantur in virtute sua, & nesciunt, quia tu es Deus noster.

Tu autem, Domine, susceptor meus es; Deus Dominus, fortitudo mea, adjutor, & protector meus. In te speravit cor meum; invocabo te, & exaudies me; in te eripiar a tentatione; non timebo, quoniam tu mecum es. Quis enim permansit in mandatis Domini, & dereliquit illum? Quis invocavit, & despexit illum? Nullus speravit in eo, & confusus est.

Nisi quia Dominus adjuvit me, paulo minus habitasset in in-

inferno anima mea. Cum ceciderim non sum collisus, quia Dominus supposuit manum suam: benedictus Deus, qui non dedit in commotionem pedes meos; eripuit pedes meos a lapsu.

Confitebor tibi, Domine Rex, & collaudabo te Deum Salvatorem meum; confitebor nomini tuo, quoniam adiutor factus es mihi; liberasti me a perditione, & in medio ignis non sum consumptus.

Ad te igitur oculi mei; exaudi vocem ejus, qui nullam aliam spem habet, & libera me de manibus inimicorum meorum: contere fortitudinem eorum, & disperge eos: fugiant a facie tua, & robur eorum conteratur: da mihi in animo constantiam, & virtutem, ut evertam illos.

Ne

Ne tradas me a desiderio meo peccatori; ne des Sanctum tuum in pollutionem, & ne permittas me servum tuum concupiscere, & sequi concupiscentiam cordis mei; ne cadam, sed per tentationes fidelis transeam, ne fiam in opprobrium, & gaudium inimicis meis.

Sed libera nos a malo.

Circumdederunt nos mala, quorum non est numerus; & cum ignoremus, quid agere debeamus, hoc solum habemus residui, ut oculos nostros dirigamus ad te. Tu refugium nostrum, & virtus in tribulationibus, quae invenerunt nos nimis.

Domine Deus Omnipotens Dominator caelorum, audi orationem.

tionem nostram; inclina aurem tuam ad precem nostram, qui non derelinquis quærentes te, & exaudis sperantes in te. In te speraverunt Patres nostri; speraverunt, & liberaſti eos; ad te clamaverunt, & salvi facti sunt; in te speraverunt, & non sunt confusi: ne despicias nos in tribulatione nostra; libera nos a malis.

Qui recordatus es Abraham, Isaac, & Jacob; qui liberaſti Joseph in tempore angustiarum suarum; qui eripuisti David de manu Sauli, & tres pueros credentes de flamma; qui populum tuum de magnis periculis eruisti, exaudi nos propter invocationem nominis tui; neque est enim alius Deus, qui fortitudini tue possit comparari.

Aufer omnem languorem;

au.

aufer gladium, & pestilentiam, & egestatem; longe fac maledictiones, quas cominatus fuisti populo tuo, si nollet audire legem tuam; & veniant universæ benedictiones super nos, quas promisisti, si mandata tua custodiret. Invocamus te, & extendimus ad te manus nostras Deus Omnipotens.

Et die, ac nocte invocabimus te, qui sicut semper, ita nunc adjuvabis, & non auferes misericordiam tuam; & si corripemur in adversis, non derelinques nos, & non expectabis in die iudicii, ut punias in æternum: Benedictus Dominus in æternum. Fiat. Fiat.

HO.

 HORA TERTIA.

*Repleti sunt omnes
Spiritu Sancto.*

Act. 2.

Domine Deus meus, qui hora diei tertia super Apostolos tuos expectantes promissionem Patris, quam audierant per os tuum, misisti Spiritum Sanctum, effunde super me, & super omnem carnem de Spiritu Sancto tuo.

Repleat, Domine, cor meum, & mentem meam, sicut replevit totam domum, ubi erant sedentes discipuli tui: veniat de celo ignis tuus sanctus, quem venisti mittere in terram, ut accipiens virtutem Spiritus Sancti in me, possim loqui magnalia tua.

In-

Induar, Domine, virtute ex alto, ut loquar cum fiducia verbum tuum: veniat Spiritus veritatis, qui doceat me omnem veritatem, & suggerat, quicumque dixisti: mitte Spiritum gratia, & precum, clamantem Abba Pater, qui postulet pro nobis gemitibus inenarrabilibus.

Habitet in me, & operetur in me, & deducat me in viam rectam, ut perveniam ad Regnum celorum, & cum Angelis, & Sanctis tuis laudem te in saecula saeculorum. Amen.

AN.

 ANTE CONFESIONEM.

Vade, & ostende te Sacerdoti,
Matth. 14.

Divinam misericordiam exultat.

INiquitates meæ in conspectu tuo, Domine; non sunt occultatae ab oculis tuis: investigabis abscondita mea, & celari non potero; non abscondar in die furoris tui; non abscondar a facie sedentis super thronum, & ab ira agni.

Tu autem, Domine, suavis, & verus es, & in misericordia disponens omnia: & si enim peccavi, tuus sum. Non secundum vias meas malas, nec secundum scelera mea pessima, sed propter

no-

nomen tuum placatus mihi eris, & exaltaberis parcens mihi.

Memento mei Deus meus, & parce mihi secundum multitudinem miserationum tuarum. Deprecabor vultum tuum, ut misereris mihi, & avertas iram indignationis tuæ a me.

Scrutatur vias suas,

ET nunc, Domine, ingredior in interiora cordis mei, ut considerem vias meas; Deus æternus, qui absconditorum es cognitor, qui scrutaris corda hominum, peccata mea statue contra faciem meam; occulta mea manifesta mihi, ut compungar coram te, & convertar ad te Deus meus.

Pl-

*Plorat in amaritudine; & statuis
custodire viam Domini.*

Humiliata est in conspectu tuo anima mea; emollitum est cor meum; conturbata sunt viscera mea. Peccavi, Domine, peccavi; inique egi; iniquitatem feci; declinavi a mandatis tuis; non custodivi legem tuam; ad amaritudinem concitavi te, Dominum Deum meum: pravificatus sum in te, quem diligo ex toto corde, & super omnia.

Super hoc plorabo in fletu; plorabo in amaritudine animæ meæ; ingemiscam in contritione peccatorum meorum; loquar in tribulatione spiritus mei; quam amarum est dereliquis.

quisse Dominum Deum meum.

Recordor viarum mearum, & scelerum meorum, quibus pollutus sum, & displiceo mihi in omnibus malitiis meis. Detector peccata mea, & iniquitates meas odio habeo, & universas abominationes, quas operatus sum.

A mandatis tuis non recedam amplius; a semitis tuis non declinabo: custodiam legem tuam; ambulabo in novitate vitæ, & pœnitentiam agam ab omnibus peccatis meis.

Accedit ad thronum gratiæ.

ET nunc, Domine, accedam ad thronum gratiæ, ut misericordiam consequar, & gratiam inveniam: accedam ad lava-

D crum,

rum, ut munder ab omnibus iniquitatibus meis. Non abscondam peccatum meum, & non celabo in sinu meo iniquitatem meam. Vadam, & ostendam me Sacerdoti: itabo coram ipso in delicto meo, & ad pedes ejus portabo iniquitatem meam. Aperiam os meum in confusione mea; revelabo abscondita mea; confitebor peccata mea, & expectabo humilis consolationem tuam.

Sperat remissionem.

LAvabor in Sanguine tuo, & recipiet sanitatem anima mea. Auferes iniquitatem meam, & peccata mea mundabuntur coram te; solves vincula mea, & sicut in sereno glacies, sol-

ventur peccata mea; indues me vestimentis sanctis, & dabis coronam decoris capiti meo, & fiet anima mea decora nimis vehementer.

*Sanctificari postulat,
& renovari.*

Suscipe igitur, Domine, peccatorem contritum, & humiliatum; suscipe ovem, quæ perii, & redit ad Pastorem suum; suscipe indignum filium, qui peccavit in Cælum, & coram te, & revertitur ad Patrem suum.

Sana vulnera mea unguens oleo letitiæ; erige jacentem super faciem terræ; subleva humiliatum usque ad inferos, ut respiret in luce miserationum tuarum.